



মন্ত্রিসভার অর্থনৈতিক বিষয়সংক্রান্ত কমিটি

# সমস্ত রকম ডালের রফতানির অনুমোদন কেন্দ্রীয় মন্ত্রিসভায়

Posted On: 17 NOV 2017 11:22AM by PIB Kolkata

প্রধানমন্ত্রী শ্রী নরেন্দ্র মোদির পৌরহিত্যে অর্থনীতি বিষয়ক কেন্দ্রীয় মন্ত্রিসভা কমিটি বৃহস্পতিবার সমস্ত রকম ডালের রফতানির ওপর থেকে নিষেধাজ্ঞা প্রত্যাহারের ক্ষেত্রে অনুমোদন দিয়েছে, যাতে কৃষকরা তাদের উৎপাদিত পণ্যের জন্য বাজারের বৃহত্তর সুযোগ ও ভালো মূল্য পান।

অর্থনীতি বিষয়ক কেন্দ্রীয় মন্ত্রিসভা কমিটি (সি.সি.ই.এ.) ডালের আমদানি/রফতানি নীতি পর্যালোচনার জন্য এবং এক্ষেত্রে বিভিন্ন বিষয় যেমন পরিমাণগত সীমাবদ্ধতা, আগে থেকে নথিভুক্ত হওয়া এবং দেশীয় উৎপাদন ও চাহিদার ওপর নির্ভর করে আমদানি শুল্কের পরিবর্তন, দেশীয় ও আন্তর্জাতিক মূল্য ও আন্তর্জাতিক বাণিজ্য পরিমাণ ইত্যাদি বিবেচনা করার জন্য একটি কমিটিকে ক্ষমতা প্রদান করেছে। খাদ্য ও জন-সংভরণবিভাগের (ডি.এফ.পি.ডি.) সচিবের পৌরহিত্যে গঠিত এই কমিটিতে এছাড়া রয়েছেন বাণিজ্য বিভাগ (ডি.ও.সি.), কৃষি, সমবায় ও কৃষি কল্যাণ বিভাগ (ডি.এ.সি. এন্ড এফ.ডব্লিউ.), রাজস্ব বিভাগ (ডি.ও.আর.), উপভোক্তা বিষয়ক বিভাগের (ডি.ও.সি.এ.) সচিবগণ এবং বৈদেশিক বাণিজ্যের মহানির্দেশক (ডি.জি.এফ.টি.)।

সমস্ত রকম ডালের ক্ষেত্রে এই রফতানি উন্মুক্ত করার ফলে কৃষকরা তাঁদের পণ্যের লাভজনক দাম পাবেন এবং তাঁদেরকে চাষের ও বপনের এলাকা আরও বৃদ্ধিতে উৎসাহিত করবে। ডালের রফতানি এর উদ্ভূত উৎপাদনের জন্য বিকল্প বাজার প্রদান করবে। ডালের রফতানির অনুমোদন দেশ এবং রফতানিকারীদেরকে তাদের বাজার পুনরায় ফিরে পাওয়ার জন্য সহায়তা করবে।

এটা আশা করা যাচ্ছে যে, এর ফলে দেশে ডালের উৎপাদন বৃদ্ধি পাবে এবং ডালের আমদানির ওপর আমাদের নির্ভরতা যথেষ্ট পরিমাণে কমে যাবে। আর তা আমাদের দেশের মানুষকে উচ্চ মাত্রার প্রোটিন প্রদান করবে এবং পুষ্টি নিরাপত্তার লক্ষ্যে তা কাজ করবে। আন্তর্জাতিক সরবরাহ শৃঙ্খলায় এই সংযুক্তি আমাদের কৃষককে উন্নত চাষের পদ্ধতি গ্রহণ এবং আরো বেশি উৎপাদনে সহায়তা করবে।

২০১৬-১৭ সালের ডালের উৎপাদনের মরসুমে ভারতীয় কৃষকরা ডালের আমদানি কমানোর চ্যালেঞ্জকে মোকাবিলা করতে সমর্থ হয়েছেন এবং ২৩ মিলিয়ন টন ডাল উৎপাদনে সমর্থ হয়েছেন। সরকারও আমাদের কৃষকদের উচ্চ পরিমাণে ডালের উৎপাদনের জন্য নানা ধরনের পদক্ষেপ গ্রহণ করছেন। সরকার কৃষকদের কাছে থেকে সরাসরি সর্বোচ্চ সহায়ক মূল্য অথবা বাজার দরের মধ্যে যার মান বেশি সেই হিসেবে ২০ লক্ষ টন ডাল ক্রয় করেছে এবং তা এখন পর্যন্ত সর্বাধিক ক্রয়।

২০১৬-১৭ সালে ডালের উৎপাদন ছিল খুব উৎসাহ ব্যঞ্জক এবং তা এযাবত কালে সর্বাধিক উৎপাদন। সরকার ডালের জন্য আকর্ষণীয় ন্যূনতম সহায়ক মূল্য (এম.এস.পি.) প্রদান করে কৃষকদের সহায়তা করেছে। ২০১৬-১৭ সালে ডালের দেশীয় উৎপাদন ছিল ২২.৯৫ মিলিয়ন টন। চানা ডালের ক্ষেত্রে ২০১৫-১৬ সালের ৭.০৬ মিলিয়ন টন উৎপাদনের তুলনায় ৩২% বৃদ্ধি পেয়ে ২০১৬-১৭ সালে উৎপাদন হয়েছে ৯.৩৩ মিলিয়ন টন। অন্যান্য ডালের ক্ষেত্রে (মুসুর ডাল সহ) ২০১৫-১৬ সালের ২.৪৭ মিলিয়ন টন উৎপাদনের তুলনায় ২২% বৃদ্ধি পেয়ে ২০১৬-১৭ সালে উৎপাদন হয়েছে ৩.০২ মিলিয়ন টন। ২০১৭-১৮ সালের জন্য সরকার ডালের উৎপাদনের ক্ষেত্রে ২২.৯০ মিলিয়ন টনের লক্ষ্যমাত্রা স্থির করেছে।

(Release ID: 1509942) Visitor Counter : 3

